



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 14/03/2022

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Mobilitéit & Ëmwelt, Klima an nohaltëg Entwécklung weiderzeleeden.

Op de Landstroosse besteet ëmmer de Risiko, dass et zu engem Zesummestouss tëschent Wëlldéieren a Gefierer kënnt. D'Stroosse féieren duerch d'Habitater vun den Déieren an deemno ass et ubruecht op esou Strecken méi virsiichteg ze fueren andeems ee manner op de Gas dréckt.

An deem Zesammenhang wéilt ech de Ministeren dës Froe stellen:

1. Wéi vill Zesummestéiss goufen et an deene vergaangenen 5 Joer, opgeléicht no Mout, tëschent Wëlldéieren a Stroossegefierer? Wéi vill goufen der Police gemellt a wéi vill goufe bei Assurancë gemellt?
2. Wéi eng Déierenart ass am meeschten an Accidenter mat verwéckelt?
3. Zu wéi enger Joreszäit besteet, statistesch gesinn, den héchste Risiko fir ee Wëlldéier ungestossen? (Aaneschters gefrot: Wéi eng Méint sinn déi meeschten Accidenter ze verzechnen?)
4. Op wéi enge Plätzen am Land besteet, statistesch gesinn, den héchste Risiko fir ee Wëlldéier ungestossen?
5. Kann d'Ministesche ausschléissen, dass beim an nom Ofhale vu Klappjuegden d'Unzuel un Accidenter rondërem d'Juegdous méi héich ass?

Mat déiwem Respekt,



www.piraten.lu



GOERGEN Marc

Député



www.piraten.lu